

Enformaziuns y comunicaziuns

Sontada: En dédemesaledema ai 29 d'agost ales 8 da sèra èl te salf de calogna na sontada dal consèi de ploania.

Edema dai Jogn: Le Grup Decanal Val Badia adöm al Sorvisc ai Jogn enviëia al'Edema dai Jogn, dai 2 ai 8 de setëmbër, con le tema "Respet y Amur por te enstës". Le program: **Domëgna ai 2 de setëmbër** ales 20:00 mësxa de daorida sö Oies con le cor "AnterVoisis", dedò aorela cörta; **Lönesc ai 3** ales 20:30 fü da ciamp (Lagerfeuer) ete dal lé ta Longiarü; **Dédemesaledema ai 5** ales 19:00 curs da grilié por i ëi ete al Sass Dlacia ta San Ćiascian; ales 20:00 curs da se fà sö por les ëres, te local dai jogn a San Ćiascian y dedò griliada ete dal Sass Dlacia adöm con i ëi; **Jöbia ai 6** ales 20:00 te salf dles manifestaziuns d'La Val sèra de fotografies con Cherubina Ploner sön sü proieć tla Romania; **Vëndres ai 7** ales 20:00 torneo da chidlé y carté batadù a scuadres de döes porsones, tla chidlara d'Al Plan; **Sabeda ai 8** ales 14:30 da Oies demez, sön les pedies dal pere dal Sant da Oies, sön le tru de meditaziun da Oies cina sö La Crusc. Lassö Santa Mësxa y ales 18:00 spaghetada.

Griliada dai ministrónć: En jöbia ai 30 d'agost è düc i ministrónć dër bel enviës a na griliada ta Fodara Masarönn (dessora). I s'encuntun ales 11.00 dan calogna, por jì spo ete deboriada a pè. Lëite saràl de bun da mangé y l'ocajun por fà damat. I geniturs po spo gnì a se dō i mituns encër les 16.00. Da s'anunzié èl pa Carlo Suani al 348/6290572.

Iolan: Le Seniorencub oress ti dī dër bel iolan a dötes chères co à daidé en Santa Maria dal Ciöf y chères co à porté i strausc de ciöf y erbes. Al è gnü trat ete la bela soma de 1.640,00€, co jarà a bën de na familia atocada dal tremoroz.

Prejentaziun: En dédemesaledema ai 29 d'agost ales 20:30 saràl Karin Pizzinini da Colfosch co vën te salf dla Cassa Raiffeisen a mostré fotografies d'en iade che ara à fat tal'India, olache ara è stada inće a fà en curs por gnì maestra de yoga. Düc è bel enviës.

Conzerć: En lönesc ai 27 d'agost ales 8 da sèra èl te salf dles manifestaziuns d'Al Plan en concert dles musighes dai jogn dl'alta y dla bassa Val Badia. Les musighes tin inće en concert le lönesc ai 3 de setëmbër: chëra dl'Alta Badia te Ćiasa J.B. Rinna a San Ćiascian, chëra dla Bassa Badia te Ćiasa dles Uniuns d'La Pli, entrës ales 20:00.

Curs: Ai 9 de setëmbër dales 17:00 ales 18:30 vëgnel fat te palestra d'Al Plan en "stage" de Zumba Fitness. Ara se trata de na ginastica con ritms afro-caraibics, moscedês con i movimonć tradizionai dl'aerobica. Düc è dër bel enviës da gnì a proé fora, debann. Sce al roarà adöm en grup de 30 porsones, gnaràl fat da d'altonn en curs, en iade al'edema.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dédemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da descárié sön www.comun.mareo.bz.it y sön www.valbadiaonline.it



Ploania
d'Al Plan
de Mareo


La plata de Ploania

E-Mail: ploaniaalplan@gmail.com - Radio: 93,00 MhZ

21. Domëgna dal ann liturgich B, ai 26.08.12 - nr. 39

Parores de vita eterna!


Dal vagnele do San Jan, 6, 60-69



Te chël tomp
60n'èl trec
dai discepu
de Gejù co ti
ascutà pro, co
dijea: Cöstes
è parores
döres. Chè è
pa bogn da les
capi? 61Gejù
conescea che
sü discepu
groforà por-
sora, y i à
damané: Se scandalisèise por cösc?
62Ci dijarèise pa, canch'i odarèis le Fi
dal Om jenn sö, olach'al ea denant? 63Le
Spirit èl co fej vi; la cern ne joa a nia.
Les parores ch'i ves à dit è spirit y vita.
64Mo al n'è danter os en valgügn co ne
crèi nia. Gejù sà pordèrt belo dal mëter
man, che co ne cherdea nia, y che co
l'ess embani. 65Y al à dit: Porchël ves
ài dit a os: Degügn ne sciafia da gnì da
me, sce al ne ti è nia dé dal Pere. 66Sön
chëra s'à trec discepu trat zoruch y ne
jea nia plü encèrch con èl. 67Enlò à Gejù
damané i dodesc: Orèise inće os s'an jì?
68Sciömun Pire ti à respognü: Signur, da
che dëssun pa jì? Tö as parores de vita
eterna. 69Y nos cherdun y conesciun: Tö
es le Sant de Dio. **Parora dal Signur. -
Lalt a té, Gejù Crist.**

Signore, da chi andremo?

*"Signore, da chi andremo?
Tu solo hai parole di vita
eterna" (Gv. 6, 68-69), rispose
l'apostolo Pietro a Gesù. In un
tempo di incertezze e paure,
anche noi ci ritroviamo a cerca-
re una guida, una stella polare
da seguire. Aiutaci Signore ad
affidarci a Te come unico Mae-
stro, per trovare la giusta strada
nelle molteplici scelte della vita.*
(Letizia Battaglini)



LEBENSWORTE LEBENSWEGE

Gottes Lebensworte sind uns zu-
gesagt. Unsere Lebenswege sind
oft genug eine Absage. Glauben ist
eben die unbequemere Antwort, die
jeden Tag aufs Neue erarbeitet wer-
den muss. Bequemer ist es, aufzu-
geben und sich abzuwenden.



Oferta por la Ploania

26.08 - 21. Domëgna dal ann liturgich B

6.30: Mëssadora ia La Pli

9.30: Corona

10.00: S. Mëssa por dōta la ploania, benedisciun dal tomp

12.00: S. Mëssa sōn Senes, de aniversar por
i +nc Lois y Lukas Maneschg

18.00: S. Mëssa por +nt Carlo Dragotto
por +nc Maurizio Maestrini y Riccardo Magstris

Lönesc 27.08 - Memoria de Santa Monica: Gebhard

7.30: S. Mëssa ad intenziun de na familia
por +nc Franz y Filomena Schweigkofler
por fam. Frenner de Pincia
17.00: Noza sōn Fanes, nüc da foradecà

Dédölönesc 28.08 - Memoria de San Agostin: Elmar, Adelind, Iachina

18.00: Corona

Dédemesaledema 29.08 - Memoria dla Decapitaziun de S. Jan Batista: Teodor

18.00: S. Mëssa por +nta Maria Zingerle Kehrler
por +nc Trebo de Pire
por +nt Pepi Pescoller dal Joblère
por +nt Franz Comploi, Villa Rosa
por +nt Ermanno Borsetti

Jöbia 30.08 - Feria dla 21a edema dal ann: Felix, Herbert, Amadeo, Rebeca

18.00: Corona por les vocaziuns

Vëndres 31.08 - Feria dla 21a edema dal ann: Paulin, Raimund

7.30: S. Mëssa por +nc Pepi Pitscheider y Anna Taibon
por +nt Siegfried Costa
de rengraziamont, por les Püres Animes

15.00: Oraziun y adoraziun

Sabeda 01.09 - Sancta Maria in Sabato: Verena, Egidio, Rut, Iuliana

16.00: Noza nüc da foradecà
18.00: S. Mëssa dal ann por +nc Helene y Matio Ties
dal ann por +nc Isidor y Ida Rindler de Costata
por +nt Franz Ties da Ras
por +nc de Treo



Oferta por la Ploania

02.09 - 22. Domëgna dal ann B - dai Agni Custodi

6.30: Mëssadora ia La Pli

9.30: Corona

10.00: S. Mëssa por dōta la ploania
con benedisciun dal tomp

18.00: S. Mëssa por +nt Vijo Agreiter d'Altin
por +nta Hilda Willeit Erardi
por +nta Veneranda Piazza Rindler

Ponsier

T. Pläßmann

Kein Wunschkonzert

Das Evangelium hätte keine Chance, wäre der Priester ein Showmaster, der die Zuhörer voten lässt, was der Inhalt sein sollte: Jeder hätte seine eigene „frohe Botschaft“. Und das wäre keine frohe Botschaft für die Menschheit!



I trëi cus - Die Drei Siebe

En èl ea en iade jü da Socrates a ti di: "Alda Socrates, cōsc mēssi propio te cunté!" Mo le sapiont l'à tignì sō y l'à damané: "Aste lascé passé ci che t'ōs mo cunté danter i trëi cus fora?"

"Trëi cus?", à damané l'èl con gran morvëia. "Avisa, mio amich, odun pa sce ci che t'ōs mo di è bun da passé danter i trëi cus. Le pröm cu è chël dla verité. T'aste enformé avisa, sce ci che t'ōs mo di è bën vëi?" L'èl respogne: "Na, i l'à mâ aldì cuntenn da zacai". Socrates damanà ennant: "Ah ensciö! Mo sogü l'aste lascé passé tres le cu dla bunté. È ci che t'ōs mo cunté almanco val' de bun?" L'èl dijea en pü' malsogü: "Na, döt ater...". "Hm...", è jü ennant Socrates, "spo odunse ciámó le terzo cu. Vål pa veramonter debojügn che te mo cunti cōsta cossa?" L'èl à respognü: "Propio propio debojügn ne vål pa nia." Sōn chëra èl Socrates co riea y dijea: "Sce ci che t'ōs mo di n'è nia vëi, n'è nia val' de bun, y al ne mēss gnanca ester che te m'al cunti, spo desmoncetal y no mo disturbé empara."

Sorvisc dai Ministronc

Domëgna 26/08 - 10:00h: Jan, Max y Vanessa Obwegs, Herbert

Plazza, Daniel Piazza, Maria Huber; **18:00h:** Karen y Lisa Ties, Melanie

Ties, Mike Kaneider, Florian Palfrader, Max Palfrader; **Lönesc (7:30h)**

Dédemesaledema (18:00h) y Vëndres (7:30h): Asia y Mara Rungger;

Sabeda 18:00h: Anita Castlunger, Esther Comploi, Emilie y Richard Comploi, Daniel y Luca

Comploi; **Domëgna 26/08 - 10:00h:** Miriam y Alessia Kaneider, Simone Crusafio, David y

Sara Doria, Catarina Frenner; **18:00h:** Paula y Veronika Erlacher, Sara y David Fontanella,

Viktoria Frontull, Martina Kaneider.

